



JUDICIAL SYSTEM MONITORING PROGRAMME  
PROGRAMA MONITORIZASAUN SISTEMA JUDISIÁL

## **Komunikadu Imprensa**

**6 Maiu 2013**

### **JSMP fó treinamentu ba grupu fetu iha Suco Uma–berloik**

Iha 3 Maiu 2013, JSMP liu husi Unidade Justisa ba Feto (WJU) halo treinamentu ba grupu fetu na'in 29 iha Suco Uma-berloik, Sub- Distritu Alas, Distritu Manufahi. Treinamentu ne'e ho tema 'Moris la hó violénsia'.

Partisipante ba treinamentu ne'e aprende kona-ba sira nia direitu, Lei Kontra Violénsia Doméstika no Kódigu Penál, no oinsá atu hetan assisténsia ba kazu violénsia doméstika no violénsia seksuál.

“JSMP espera katak liu husi programa treinamentu ne'e, maluk fetu sira bele hatene oinsá mak bele asesu ba sistema justisa formál no enkoraza fetu atu uza sistema justisa formál hodi proteje sira nia interese no proteje fetu nia direitu,”dehan Diretór Ezekutivu JSMP, Luis de Oliveira Sampaio.

“JSMP espera katak treinamentu hanesan ne'e bele kontribui ba minimiza violénsia kontra fetu iha Timor-Leste.”

Xefe Suco Uma-berloik, Antonio da Costa, dehan katak treinamentu ne'e importante tebes no hanesan úniku iha suco dezde independénsia.

Partisipante sira haktuir katak treinamentu ne'e importante tebes tanba sira bele konprende kona-ba fetu nia direitu no oinsá atu asesu assisténsia bainhira sira sofre violénsia. Partisipante sira ezije ba JSMP atu iha futuru bele kontinua habelar no hagle'an liután fetu sira nia koñesimentu iha asuntu lei no direitu umanu.

Treinamentu ne'e realiza ho apoiu finanseiru husi **The Royal Norwegian Embassy** iha Jakarta, Indonézia.

Atu hetan informasaun kle'an favor kontaktu direktamente:

Luis de Oliveira Sampaio  
Diretór Ezekutivu JSMP  
Telefone : 3323883/7295795  
Diresaun e-mail, [luis@jsmp.minihub.org](mailto:luis@jsmp.minihub.org)

